

Kongreya Neteweyî ya Kurdistanê
Kurdistan National Congress
Congrès National du Kurdistan

KNK

Rue Jean Stas 41 1060 Bruxelles tel: 00 32 2 647 30 84 fax: 00 32 2 647 68 49
Homepage: www.kongrakurdistan.net e-mail: kongrakurdistan@gmail.com

ROJEVA KOMBÛNA MEZIN YA KNKYê

[Civata 10. / 23 - 24 Gulan 2010, Bruksel]

Roja Yêkemîn: 23. 05. 2010

Seet :

10 : 00 Vekirin û rêzgirtin

10 : 15 Merasima sûndxwarinê ji bo edamên nû

11 : 00 Axivtina serokê KNKYê

11 : 15 Navbir

11 : 45 Axivtinên li ser bûn û bûyerên sosyal û polîtîk yên li Kurdistanê û cîhanê - I

13 : 00 Firavîn

14 : 00 Axivtinên li ser bûn û bûyerên sosyal û polîtîk yên li Kurdistanê û cîhanê - II

15 : 00 Navbir

15 : 30 Pêşkêşîya rapora xebatê ya Konseya Rêvebir

16 : 00 Riberiz [munaqêşe] û gotûbêja li ser raporê

17 : 00 Kombûnên komisyonan û amadekarîya planên xebata peryoda duyemîn

19: 00 Şîv

Roja Duyemîn: 24. 05. 2010

Seet :

10 : 00 Gotûbêja li ser pirsra yêkitîya neteweyî û rewşa rêxistinîbûna KNKYê û rola wê

11 : 30 Xala serbest

12 : 00 Girtin û firavîn



Rapora Konseya Rêvebir ya KNKYê **Ji bo Kombûna Mezin [Civata 10.]** **23 – 24 Gulan 2010, Bruksel**

Agahdarî:

Ji bo demê "Kombûna Mezin" di kombûna Konseya Rêvebir ya 3yê meha 11an ya 2009ê da biryar hate standin ku li 19ê Kanûna 2009ê çêbe. Lê paşê ji ber binasên [sebebên] teknîkî û fikira nûkirina avahîyê KNKYê û herweha operasyona Belçîkê ya li ser dem û dezgehên neteweyî û herweha avahîyê KNKYê, kombûn edî bo 23-24ê Gulana 2010ê hate misoger kirin.

Analiza rewşa politîk ya cîhanê:

Di pêşhatin û pêşveçûnên politîka dinyayê da atmosfereke şîthayî têtê dîtîn. Ev dijarîye hem di navbeyna "hêzên mezin yê dinyayê" da, hem jî di navçeyên cuda yê dinyayê da têtê dîtîn. Di vê rikeberîya di navbeyna "hêzên mezin" da xwudanbûna "çeka nukleer" bûye xaleke sereke. Li milekê Dewletên Yêkbûyî yê Amerîkayê [USA] û Yêkitîya Ewrûpayê [EU] ku wekî baskê cîhana rojavayê têtê gotin, li milê dî jî herçend wekî baskê rojhilat neyê bi nav kirin jî, lê pozisyonên Ûrisatê [Rûsya] û Çînê beramberî rojavayê kêma zêde paralelî hev in. Koreya Bakur jî li ser baskê Rûsya û Çînê ye. Hindistan wekî xwudana çeka nukleer reftara xwe ya relatîven serbixwe didomîne. Pakistanê jî çeka nukleer heye û ji ber vê yêkê xwe di encam da dide milê "Rojavayê", çiku desthilata çeka wê ya nukleer di destê Amerîkayê da ye. Li rojhilatanavîn jî Iran dixwaze bibe "hêza nukleer". Ji xwe li rojhilatanêzîk Israîl hêzeke mezin ya nukleer e û çeperekî xurt yê "cîhana rojavayê" ye. Di baskanê ya "rojawa" û "rojhilat"ê da problema "hêza nukleer" li halêhazir bûye girêbend. Koreya Bakur, Çîn û Rûsya teknolojîya nukleer didine Iranê. Di serî da Amerîka û Yêkitîya Ewrûpayê û helbet Israîl dixwazin Iranê ablûka bikin û ji vê "sewdaya nukleerîye" bidine lêvekirin. Di vê rikeberîya dijar da ji Amerîkaya Latîn, Venezuela û Kuba destekê didine baskê Rûsya, Çîn, Koreya Bakur û helbet Îranê. Ji dewletên Amerîkaya Latîn Brezîlyaya jî, ku xwudanê teknolojîya nukleer e, dixwaze pozisyonê xwe wekî Hindistanê serbixwe biparêze. Ev çeper girtina di vî warî da xwe li problema gelek aktuel ya pîrsa "nukleer" ya Iranê da jî têtê dîtîn. Ji ber vê "hêza nukleer", zengîniya petrolê ketîye dereceya duyê di rojeva dinyayê da. Ji ber ku, parastina kanên petrolê [bîrên petrolê] jî edî bi vê hebûna hêza nukleer ve girêdayî ye. Li her du bask û hêzên relatîven [nisbî] serbixwe da jî paradokseke berbiçav têtê dîtîn. Hêzên mezin yê desthilatdar yê dinyayê, monopola "hêzbûna bi çeka nukleer" dixwazin di destê wan da be û heke dewletên dixwazin bibine "hêza nukleer" jî bi timamî di bin kontrola wan da bin. Di vê çeper girtinê da şik têda nîne ku berjewendîyên aborî û nufûza cografî ya stratejîk ya kan û neqlîyata enerjîyê rola bîngêhîn dileyizin. Li "rojhilatê" du hezên mezin, Japonya û Awustralya jî mil didine baskên "rojavayê". Ji bilî Îranê, li rojhilatanavîn û rojhilatanêzîk, dewletên xwudanê kanên petrolê ewlehîya xwe spartine "cîhana rojavayê" û di serî da jî Amerîkayê.

Di nav vê tabloya têkilav ya cîhanê da krîza li navçeyên giring yê wekî Kafkasya, Rojhilatanavîn û Rojhilatanêzîk problemên navxweyî di dereceya bilind da didomin. Li Kafkasyayê problemên Azerî-ermenî, herweha Gurcistanê û helbet Çeçenistanê hêj jî bi serekê neketine. Di vê meydana fireh da jî rengên vê baskanê ya "rojawa" û "rojhilat"ê li ser bûn û bûyeran têtê dîtîn. Rûsya nufûza xwe ya li Kafkasyayê bi destê Amerîkayê ve bernade û berxwedide. Leyiza Amerîkayê ya li "rojhilatanavîn" Iran xirab dike. Iranê bi çêkirina "çeka nukleer" qabilîyeta xwe ya manewrayê zêde kirîye ku eve ji bo bizava neteweyî ya Kurd jî tehlîkeyeke mezin e. Tesîra Iranê li Iraq, Sûriye û Lubnanê bilind e. Bi vê xurtîyê tesîra Iranê li ser pîrsa Filistinê jî heye. Iran gelek req dijîtiya Israîlê dike û pîrsa Filistinê kilîl dike û bi vê politîka xwe li "rojhilatanêzîk" jî pozisyonê xurt bi dest ve înye. Di çeperê Amerîkayê yê li Iraqê da jî Iran roleke asêkarîyê dileyize û planên Amerîkayê têkdide. Amerîka û Yêkitîya Ewrûpayê di nav hewildanên mezinda ne ku rejîma Iranê bidine guhorîn anjî pozisyonê Iranê bişkênin anjî qet nebe lawaz bikin û Iranê bêtaqet bihêlin. Di vê bi tinê mana Iranê da, Tirkîye çû hawara wê û di problema "çeka nukleer" da formûlê "istasyona veguhastina uranyumê" û "teqesa sotemenîya nukleerî" digel Brezilyayê hilgirte ser xwe. Tirkîye daku digel Iranê cepheyî antî Kurd û Kurdistanê xurt û teqwîye di pîrsa "çeka nukleer" da hevkarîya Iranê kir. Vêca Kurdistan di nîveka navçeyê hinde aloz da ye û ji çaralî ve di bin fişareke mezin ya dewletên dagîrker û kolonyalîst da ye.

Rewşa Kurdistanê bi gîştî:

Plan û peymanên di meydana Kafkasya, Rojhilatanavîn û Rojhilatanêzîk da têne kirin gelek dîrekt tesîrê li pîrsa Kurd û Kurdistanê jî dikin. Kurdistan cografîyayê gelek stratejîk e li navçeyê. Xwudanê bahreke mezin ya kana petrolê û gaza binerdî ye û herweha sentral û korîdorekî stratejîk yê neqlîyata enerjîyê ye di navbeyna rojhilat, navçe û rojavayê da. Zengîniya av û deravan jî bihayê Kurdistanê mezintir dike. Ev zengîniye şik têda nîne ku kamên dagîrker û kolonyalîstan radike. Kurdistan bi sê parçeyan ve hêj jî di bin zulmeke nedîtî ya dagîrî û kolonyalîzma Tirkîye, Iran û Sûriyeyê da ye. Pêşkevîna li parçeyê başûr, xelesa dagîrî û kolonyalîzma klasîk




qismen şkandîye lê hêj jî statûyeke stabîl ya xwe bi xwetî wernegirtîye. Kontrola Bexdayê û nufûza polîtîk ya baskê Ereba didome û rê li ber stabîlîzebûna statûye başûra Kurdistanê digire. Bexdayê hêj statûya federal ya Kurdistanê jî di nav xwe da bi cih nekirîye. Makqanûna Iraqê ya federal bi taybetî di pîrsa Kerkûk û navçeyên di yên Kurdistanê da bi zanahî nayê tetbîq kirin. Ji ber vê yêkê problema Kurd û Kurdistanê li başûr jî bi rengê xwe yê taybetî û ne wekî parçeyên di jî be didome. Dewletên dorberê, di serî da Tirkîye û herweha Iran û Sûrîye ji milekê ve şiddeta li ser bizava neteweyî di nav xwe da û herwisa bi hev ra di dereceya herî bilind da didomînin. Dewletên Tirkîye, Iran û Sûrîyeyê di nav xwe da gelek bi koordîne dijî bizava neteweyî ya xelkê Kurd hereket dikin. Baskê Ereba yê hukûmeta Bexdayê jî desteke dide wan. Di nav vê çembera fetisandêr ya dagîrkeran da Kurd tinê bi hêza xwe dijî vî cepheyê bêyûm berxwedidin. Di serî da Amerîka û Yêkîtiya Ewropayê normên "azadî û demokrasîyê û mafên mirovî" li goreyî berjewendîyên xwe bînpê dikin û mixabin ji nav wan dewletên dagîrker û kolonyalîst, destekê didine Tirkîyeyê. Tirkîye wekî koordînatîra cepheyê bêyûm yê anti Kurd û Kurdistan, roleke gelek wêranker û birandêr dileyize di şerê dijî xelkê Kurd da. Tirkîye di ablûkakirina Kurdistana Federal da jî roleke koordînatîv dileyize û herweha daku bi referandûmê Kerkûk, Şengal û Xaniqînê nekevin nav tixûbên xwe yên xwezayî li nav Kurdistanê, destekê dide baskê şoven yê Ereba û nahêle ku maddeyê 140 yê makqanûna Iraqa Federal bi cih bêt. Di kilîlbûna pîrsa Kurd da Tirkîye rola sereke dileyize û Îran û Sûrîye jî di nav vî cepheyî da xirabkerîya xwe didomînin. Statûya kolonyal û dagîrkerîyê di dereceya herî dijwar da li van hersê dewletan dom dike.

Rewşa Kurd û Kurdistanê li Tirkîyeyê:

Wekî têtê zanîn û herweha di jorî da jî hatiye gotin, dewleta Tirk dijî bizava neteweyî di hemû çeperan da şerê dijî Kurd didomîne. Di warê leşkerî da operasyonên berfireh têne kirin. Operasyonên leşkerî ji erd û esman bi koordîne têne kirin. Bombardumanêke dijwar têtê kirin. Hema berî vê "Kombûna Mezin" sê roja jî, anku 20ê Gulanê [2010] dewleta Tirk dîsa ve dest bi êrişên hewayî kir li ser "Warên Parastîne yên Medyayê". Di warê sîvil da jî hem şiddeta polîsî dom dike, hem jî dewlet mekanîzmaya dadîyê gelek hişk bi kar tîne dijî polîtîkerên Kurd û vê gavê digel çendek şehridaran, nezîkî du hezaran polîtîker hatine girtin û di girtîxaneyê da ne. Dîsa nêzîkî du hezaran zarok û ciwanên Kurd ku dijî erîşên dewletê berxwedaneke militanî nîşan dane vê gavê girtî ne. Herweha rêberê KCKyê birêz Ocalan di bin îşkenceyêke pîralî û sistematîk da ye û mafên huqûqî û qanûnî yên heyî jî nadinê û bi her alî asteng dikin û teroreke nedîtî ya dewletî lê dikin. Dewlet û bi navê dewletê jî hukûmeta AKPyê bi çu newlî xwe nêzîkî diyaloga digel bizava neteweyî ya Kurd nakin. Bi têkoşîna di pêşengîya PKKyê û gerilla û hemû dînamîkên neteweyî da dewlet mecbûr maye hindêk gavan di warê serbestkirina weşana radyo, televizyon û weşangerîya pirtûk û rojnameyan da biavêje. Vê gavê televizyoneke bi Kurdî ku bîst û çar seet weşanê dike heye. Lê belê, ev televizyone dengê dewleta dagîrker û kolonyalîst e û bi Kurdî şerê Kurdan dike. Hukûmeta AKPyê polîtîka Beasa Iraqa kevin ya di warê zimanê Kurdî da, hem jî piştî hilweşîna wê rejîma xwûnxwar û îdama Seddamê dîktator, di roja îro da wekî gaveke nûbûna polîtîka li ser Kurdan bi nav dike. Ev tiştên hatine kirin helbet ne bexş û hîmmeta dewleta Tirk in û bi hêz û şiyana bizava neteweyî hatine kirin. Lê belê, îro daxwaza Kurdan ne serbestkirina axivtina Kurdî ye. Ew xwastek li goreyî têkoşîna îro êdî li paş maye. Daxwaza Kurdan ya îro fermîkirina zimanê Kurdî ye û di nav hemû dem û dezgehên dewletê da Kurdî li tenîştî Tirkî zimanê Kurdî bibe zimanê duyê yê fermî yê dewletê û herweha Kurdî di nav sistêmê perwerdeyê da ji bexçeyê zarokan heta unîversîteyê bête bi kar înan. Dewlet di vî warî da şekala xwe ya kevnare dixuşîkîne û naxwaze gavan biavêje. Dewleta Tirk bi îsrar dixwaze mafên Kurdan di çarçoveya mafên ferdî da teng bihêle û muameleya Laz û Çerkezan bi Kurdan û Kurdî bike ku ew muameleya li Laz û Çerkezan têtê kirin jî muameleyeke dijî mirovî ye. Dewleta Tirk dixwaze bi van polîtîk û gavên lêhbok xwe ji Kurdan xilas bike. Di van hewildanên AKPyê yên guhorînên makqanûnê da jî çu tiştên ku jîyana Kurdan û zimanê Kurdî xweş bikin, rê li ber mafan vekin nînin. Li ber vê rastîyê Kurd mecbûr in ku pozisyoneke xurt û maqûl nîşan bidin beramberî vê hewildana guhorîna makqanûnê. Kurd divêt alternatîva "boykot"ê di nav xwe da gotûbêj bikin û bigihin biryareke xurt.

Di encam da, rewşa Kurdan di nav tixûbên Tirkîyeyê da ji alîyê berxwedan û têkoşîna pîralî ve xurt e û cihê hêvîyê ye. Navçeyêke fireh ya şehridarîyan di destê Kurdan da ne. Di parlamenta Tirkîyeyê da gurûbeke biçûk lê dînamîk ya Kurdan heye. Pozisyona polîtîk ya Kurdan li Tirkîyeyê di pêşengîya KCKyê da xurt û saxlem e. Temsîla pîranîya maqûl ya neteweyî dike beramberî dewleta Tirk. KCK herweha temsîla opozisyoneke dînamîk û radîkal jî dike beramberî dewleta Tirk. Bizava neteweyî ya Kurd, ji ber vê rewşa xurt ji bo hêzên demokratîk û radîkal yên xelkê Tirk jî destekeke mezin e li Tirkîyeyê. Bi vî rengî bizava neteweyî ya xelkê Kurd û wekî hêza pêşeng jî KCK adeta pêşengîya bizava demokrasîyê jî dike li Tirkîyeyê. Dewleta Tirk û hukûmeta AKPyê ji ber vê rastîya bizava neteweyî ya xelkê Kurd, ji ber vê hêza organize ya neteweyî, ji ber pêşengîya radîkal û militan ya KCKyê diwaze her bi çî rengî be, li nav Kurdan têkvedanê pêkbinin, hêza organize ya Kurd jar û lawaz bikin û di meydana polîtîk da tesfîye bikin. Li alîyê di dewleta Tirk xirabkirina demografîya Kurdistanê jî didomîne û daku bigihe vê daxwaza xwe ya nemirovî dest bi çêkirina barajan kirîye ku sedan gund, bajêrk û mezrayan di bin avê da bihêle û nufûsa Kurd bide koç kirin. Dewleta Tirk û bi navê dewletê jî hukûmeta AKPyê nihe ev rola bêyûm hilgirtîye ser xwe û



dixwazin hemû polîtîkên ku zerarê digihînin xelkê Kurd û Kurdistanê realîze bikin. Lê belê, cihê şahîyê ye ku xelkê me ji aliyê şûra neteweyî ve hişyar e û pêşengîya îro jî polîtîkeke maqûl ya neteweyî di rê dibe û entrika û dek û dolabên dewleta Tirk û hukûmeta AKPyê vala derdêxin. Di halêhazir da Kurd di çeperên têkoşîna leşkerî, sivil û demokratîk da serkevtî ne û esasen bêhuzûrî û telaşa dewleta Tirk û hukûmeta AKPyê jî ji ber vê yêkê ye. KNKyê di vî demê borî da destekeke aktîv da bizava neteweyî ya li bakur û daîm banga tifaqa navxweyî bilind kir dijî dewleta Tirk. KNK di têkoşîna li bakur da bi hêvî ye, lê dîsa ve hişyardarîya xwe didomîne û banga xwe berdewam dike ku hêzên neteweyî, pêşengîya polîtîk û leşkerî li beramberî hîlebaziya dewleta Tirk û hukûmeta AKPyê, li xwe, li bizava neteweyî û li destkevtên şoreşê gelek hişyar bin û têkoşîna neteweyî di zemîne herî xurt yê tifaqa navxweyî da bidomînin.

Xelkê me bi pêşengîya bizava neteweyî ya Kurdî îro hejmareke bilind ya şehridarîyan bi dest ve îraye û li navçeyêke fireh ya Kurdistanê ji aliyê îdareya xizmetguzarîya şehridarîyê ve xwudan desthilat e. Vê destkevtê zemîne "otonomîya kulturî û îdarî" qismen jî be derêxistîye meydanê. KNK vê hebûnê giring dibîne û bangî rêvebirîya polîtîk ya li bakur dike ku di parastina vî zemînê da hişyardarî û biryardarîyeke bilind ya neteweyî nîşan bidin û herweha xizmetguzarîyeke bi kalîte bidine xelkê me ku planên paşvegirtina dewleta Tirk ya van navçeyan pêkneyê.

KNK di wê bawerîyê da ye ku xelkê Kurd jî vê rastîyê dibîne û bi hissîyata bilind ya neteweyî destekê dide pêşengîya xwe ya polîtîk û leşkerî.

KNK herwisa hêvî û daxwaz dike ku timamî dînamîkên neteweyî yê jînde yê li bakur û Tirkîyeyê hevgirtîneke cepheyî pêkbînin û beramberî dewleta Tirk û hukûmeta AKPyê pozisîyoneke bilind ya neteweyî werbigirin û vê yêkê nîşanî yar û neyaran bidin. KNK herweha bangî hemû dewletan jî dike ku li beramberî kir û kiryarên dewletên dagîrkerên Kurdistanê bêdeng nemînin û destekê bidine xelkê Kurd û hemû xelkên Kurdistanê.

Rewşa Kurd û Kurdistanê li Iranê:

Dewleta Iranê di van salên dawîyê da êrişkarîya xwe ya li ser bizava neteweyî ya xelkê Kurd bi rengê dewleta Tirk didomîne. Polîtîkeke kopîya dewleta Tirk di pratîkê da di rê dibe. Ji milekê ve hêzên çekdar yê ceşan organîze dike, li milê dî bi hêza xwe ya hewayî Kurdistanê bombarduman dike, ji reşahî ve jî operasyonên xwe didomîne. Herwisa şiddeteke polîsî û pasdarî jî li nav bajêran pêktîne û bi sedan têkoşerên ku xebata sivil û demokratîk dikin digirin û diavêjin hefsê. Van du salên dawîyê jî dest bi îdaman kirîye û heta nihe nêzikî deh milîtanên PJAKê û herwisa nêzikî pênc têkoşerên bizavên dî yê Kurdî hatine îdam kirin. Di kiryara herî dawîyê da jî pênc aktîvistên xebata polîtîk îdam kirin û 5 gerîllayên HRKyê jî bi destê ceşan jahî dan. Iran polîtîka xwe ya tradîsyonel bi îsrar didomîne. Sine û dorber wekî "Istanê Kurdistan" bi nav kirine û Kurdî di bazarê da serbest e. Iran vê wekî çareserîya pîrsa Kurd nîşan dide. Perwerdeya bi Kurdî nîne. Polîtîka bi navê Kurd û Kurdistanê qedexa ye. Rêxistinên ku doza Kurd û Kurdistanê dikin pêkve hatine qedexa kirin. Rejîma Islamî ya Iranê piştî ku çekirina çeka "nukleer" aktuel kir, şiddeta dijî opozisîyona navxweyî derêxistîye dereceya herî bilind. Di berxwedana dijî rejîmê da jî opozisîyona herî li ser xwe, herî organîze û herî milîtan, têkoşîna Kurdan e. Lewma jî şiddeta herî dijwar li ser Kurdan bi kar tîne. Vê gavê dest pê kirîye bajêrên Kurdistanê ablûka dike û şiddeteke komî bi kar tîne. Bi vê şiddetê hem dixwaze bizava neteweyî bişkêne, hem jî bi rêya vê şiddeta li Kurdistanê çavê opozisîyona Faris, Azerî û xelkên dî yê Iranê jî bitirsîne û rê li ber têkoşîna opozisîyona giştî bibire. Beramberî vê êrişkarîya dewleta Iranê bi navê xelkê Kurd PJAK û rêxistinên dî yê Kurd têkoşîna didin. Bi taybetî hêza gerîlla ya HRKyê ku girêdayî pêşengîya PJAKê ye, çeperên dewletê dide zorê. KNK di vê têkoşînê da destekê dide hemû hêzên neteweyî. PJAK jî xwe endama KNKyê ye. KNK hêvî dike di çeperê dijî dewleta Iranê da, li çeperê rojhilat, di serî da PJAK û hemû hêzên polîtîk û rêxistinên dî yê neteweyî, di cepheyekî berfireh yê neteweyî da tifaqeke xurt pêkbînin. KNK jî bo pêkînanêke cepheyekî berfireh li rojhilatê amade ye ku hevkarîyê bike. KNK herwisa di navbeyna cepheyê neteweyî yê Kurdistanê û bizava demokratîk ya giştî Iranê da jî vehunandîneke cepheyî hewce dibîne. Di nav opozisîyona giştî ya Iranê da vê rola pêşengîyê bizava neteweyî ya Kurd dikare bileyize û di warê pêkînanê cepheyekî demokratîk li Iranê da hevkarîya xelkên Iranê bike.

Kurdîstana Federal:

Kurdîstana Federal, îro realîteyêke Iraqa Federal, rojhilatanavîn û dinyayê ye. Kurd li ser axa xwe xwudan desthilat in û îdareyêke xweserî pêkînan e û di rê dibin. Kurdîstana Federal digel hebûna xwe, pîrsgirêkên navxweyî û yê bi Bexdayê ra jî hene. Di serî da pîrsa bi cih îrana makqanûna Iraqa Federal û maddeyê 140 hêj jî pêknehatîye. Kerkûk, Xaniqîn, Şengal û dorberê wan ji ber vê pîrsgirêka digel Bexdayê li derveyî tixûbên îdareya Kurdîstana Federal mane û eve pîrsêke gelek giring û giran e. Kerkûk bi serê xwe merkezeke stratejîk e û kana petrolê ye û ji aliyê dîrokî ve jî axa Kurdistanê ye. Xaniqîn jî ji aliyê petrolê ve zengîn e. Şengal û dorberê Mûsil jî cih û warê Kurdan yê hizar salî ye û Ereba destan jê nakêşin. Helbet Tirkîye, Îran û Sûrîye jî daxilî vê polîtîka şovenîzma Ereba dibin û nahêlin ku ev merkezeke giring û zengînê petrolê bikevine nav tixûbên xwe yê xwezayî



yên Kurdistanê. Di vî warî da astengîyeke navçeyî ya navdewletî heye. Bexda, Şam, Tehran û bi taybetî jî Ankara hizar astengîyan derdêxin û provakasyonan dikin ku maddeyê 140 yê maqanûna Iraqa Federal di pratîkê da neyête bi cih înan û referandûm çênebe. Lê herwisa rêvebirîya politîk ya Kurdistan Federal jî ji aliyê stratejîk ve şaşî kirine û hêj jî kêmasîya ji navxweyî derdikeve serûber nakin. Di serî da yêkitîyeke berfireh ya Kurdistanî nehate vehûnandin di bi taybetî pîrsa Kerkûkê da. Heke ev kartê tifaqa navxweyî ji aliyê rêvebirîya politîk ya Kurdistan Federal ve bi rêkûpêkî hatiba pêkînan, paytextên dagîrker yê Kurdistanê bi giştî nedikarin ewqas bi rehetî rê li ber Kurdan birîban. Kurdistan Federal bi vê kêmasîya navxweyî destê xwe li beramberî Bexdayê û paytextên dorberê zeîf kir. KNKyê di vî warî da gelek hewildan kirin ku qet nebe di pîrsa Kerkûkê da tifaqeke xurt ya navxweyî pêkbêt û ji bo vê yêkê “Konferanseke Yêkitîya Neteweyî” bête organîze kirin, lê mixabin heta nihe jî rêvebirîya politîk ya Kurdistan Federal gaveke erênî neavêtîye. KNK di wê bawerîyê da ye ku dem hêj ne dereng e û rêvebirîya Kurdistan Federal dîsa ve dikare gaveke maqûl biavêje ji bo pêkînana tifaqa navxweyî. Ji bo hewildaneke bi vî rengî KNK amade ye ku hevkarîya rêvebirîya Kurdistan Federal bike. Ji xwe buroya KNKyê ya li Hewlerê di nav têkilîyeke germ da ye.

KNK herwisa hêvî û bawer dike ku rêvebirîya Kurdistan Federal beramberî kêmanîyên etnîk û dînî yê li Kurdistan Federal, dê politîk û pratîkeke demokratîktir pêkbîne. Dîsa KNK hêvî û daxwaz dike ku rêvebirîya politîk ya Kurdistan Federal beramberî bombardumanên Tirkîye û Iranê jî reaksiyona xwe ya neteweyî nîşan bide. KNK hewildan û xebatên hindêk “terîqatên” Tirk yê ku bi navê “perwerdeyê” mîsyonerîya nijadperestîya Tirkî dikin jî divêt hişyar be û rê li ber wan bigire.

Rewşa Kurd û Kurdistanê li Sûriyeyê:

Sûriye jî ev demekî dirêj e ku politîka kevnare ya dewleta Tirk ya antî Kurd û Kurdistan, li nav tixûbên xwe li ser Kurdan di rê dibe. Piştî derketina rêberê KCKyê Ocalan ji Sûriyeyê, reftara dewleta Sûriyeyê beramberî Kurdan û rêxistinên wan gelek dijwar û bi şiddet bû. Bişar Esad jî vê politîka şiddetê didomîne. Hetta zêdetir û vegeryaye politîka salên 1960an ku “Kamera Erebi” li ser korîdorê Çiyayê Kurmanc [Efrîn] heta Kobanî û Serêkanîyê jî. Ji aliyê Dêrezorê ve jî ber bi deşta Hesekî û Qamişloyê Ereban bi cih dikin. Qanûnên nû derêxistine ku kirin fîrotina mal û milkî ya Kurdan qedexe kirine û herwisa çandinîya li ser erd û zevîyên wan jî qedexe kirine. Bi hizaran Kurd hêj jî bêyî nasname ne û dewlet çu imkanên fermî nade vê nufûsa mezin ya Kurd. Axivtina Kurdî li bazarê hebe jî li dem û dezgehên fermî hatîye qedexe kirin. Bi çu newlî rê nadin ku perwerdeya bi Kurdî di nav sîstemê fermî da cih bigire. Weşangerîya Kurdî bi asteng e. Politîka legal ya Kurdî herwisa qedexe ye. Dewleta Sûriyeyê digel Tirkîyeyê di nav têkilîyeke xurt da ye û di nav cepheyê “sêqolî” [Tirkîye – Îran – Sûriye] yê antî Kurd û Kurdistan da aktîv e. Ji rêxistinên Kurdên rojavayê PYD endama KNKyê ye û li beramberî politîkên antî demokratîk û şovenîst yê dewleta Sûriyeyê xebat û têkoşîneke xurt dide. Ji bilî PYDyê jî rêxistinên neteweyî hene. KNK modelê cephegirîya parçeyên Kurdistanê ji bo “Rojavayê” jî pêşniyar dike. Ji bo pêkhatineke cepheyekî berfireh li rojavayê KNK çu hewce be amade ye ku bike.

Kurd li dîasporayê

Nufûseke boş ya Kurd li meydana cuda yê dîasporayê dijî. Merkezên mezin yê dîasporaya Kurd li bajêrên mezin yê dewletên dagîrker pêkhatîye. Îro dîasporaya mezin ya Kurd li Stanbolê, li Iznîr, Konya, Mersîn, Adana, Ankara û bajêrên di yê Tirkîyeyê ye. Dewleta Tirk li van deran dest pê kirîye êrişkarîyên lînkîrinê jî pêktîne li ser Kurdan. KNK giring dibîne ku Kurdên dîasporaya Tirkîyeyê hem beramberî van lînkîrîna bédeng nemînin, hem jî rêya vegeza welatê xwe jî bidine ber xwe. Tehran, Bexda û Şam jî merkezên mezin yê dîasporaya Kurd in. Herweha li Kafkasya û Rûsyayê jî kolonîyeke mezin ya Kurd heye. Li welatên rojhilatanêzîk yê wekî Lubnan, Urdun û Israîl jî nufûseke zêde Kurd lê dijîn. Yêk ji meydana mezin yê dîasporaya Kurd jî cografyaya Yêkitîya Ewrûpayê [YE] ye. Dîasporaya Kurd ya li nav welatên dagîrker û kolonyalîst, direkt bi bizava neteweyî ya welat ve girêdayî di nav xebat û têkoşîneke mezin da ne. Dîasporaya Kurd ya li YEyê jî paralelî bizava neteweyî ya nav welat gelek organîze, aktîv, dînamîk û milîtan e. Kurdên dîasporayê di gelek waran da xebatên demokratîk û sîvîl, ji yê nav welatî relatîven jî be bi imkantir dikin. Lê belê, gelek caran welatên Ewrûpayê jî li goreyî berjewendîyên xwe yê aborî û politîk şiddeta polisî û girtinan dikin û xebata Kurdan asteng dikin. Nimûneya dawîyê ya li Belçîkê bû ku KNK jî bi ber vê xezeba wan ket. Lê her bi çu rengî be Kurd li vê meydana fireh ya YEyê xebatên xwe yê demokratîk bi reneki organîze û dînamîk dikin û ber bi pêş têxin. KNK jî di nav vê xebata meydana dîasporaya YEyê da aktîv e û bi taybetî di warê têkilîyên dîplomatîk û herweha ziman û kulturî da xebatên pêdivî, balkêş û berwer pêktîne. Yêk ji merkezên dîasporaya Kurd ya Amerîkayê, Kanadayê jî xebatên neteweyî vê gavê lawaz jî bin hene. Kurdên dîasporaya Kafkasya û Rûsyayê jî berê were di warê ziman, kultur, folklor, edebiyat û weşangerîyê da xebatên berbiçav dikin. Herçend ji dewrê berê ye “Sovyetan” kêmtir jî bûne, lê dîsa ve xebatek û dînamîzmek tête dîtin. Kê m jî be kolonîyeke biçûk ya Kurd li Awustralya jî heye û li goreyî şîyan û imkanên xwe xebateke dikin. KNKyê li wê derê jî endam hene.



Rewşa û pozisyona KNKYê

KNK şik têda nîne ku rêxistineke sihwane ya neteweyî ye û hema bi vê terkîba xwe ya heyî relatîven jî be temsîla piraniyêke maqûl dike li seranserê Kurdistanê. Lê digel hindê jî me ji serî were xwastîye ku terkîba KNKYê firehtir be û hejmara endamên partî, rêxistin û kesên serbixwe zêdetir be. Lê belê, mixabin ku şertên îro yên polîtîk yên Kurdistanê rê nade vê yêkê. Statûya kolonyal ya Kurdistanê jî bi serê xwe asteng e, lê astenga esasî zeffîya bîr û hizira yêgirtina neteweyî ya di cihana polîtîk ya Kurdî da ye. Tengbînî û “ez merkezî” ya hakimî rêxistinên polîtîk zemînê hevgirtina fireh ya neteweyî asê dike. Herwisa “parçegirî” anku “lokalîzm” jî tesîreke negatîv dike li ser bîr û hizirên polîtîker û rêxistinên û eve jî dibe astengek. Digel vê realîteya polîtîk jî, KNK hewildanên xwe yên firehbûna zemînê xwe yê neteweyî didomîne û divêt bidomîne jî. Bi vê daxwaz û amancê salê qet nebe du caran seradanîya Kurdistanê Federal tête kirin. Di seradanîyên Kurdistanê Federal da carina imkan peyda dibe ji bilî rêvebirên polîtîk û demokratîk yên Kurdistanê Federal, digel temsîlkarên polîtîk yên parçeyên di yên Kurdistanê jî hevdiîtin pêktên û ev rojeva giring ya polîtîka Kurdistanê digel wan tête axivtin û gotûbêj kirin. Pozisyona KNKYê çeperê neteweyî yê herî fireh yê Kurdistanê ye. Amanca KNKYê ew e ku tifaqa herî fireh ya Kurd û Kurdistanê pêkbîne. KNK dê van pêrabûnên xwe bidomîne. Kêm û kasiyên di xebata pratîk da tene pêş jî ji derveyî îradeya KNKYê rûdidin. KNK heta ku hevgirtineke organîze ya neteweyî pêktêt, dê têkilîyên avakirina diyaloga navxweyî bi berpirsiyarî bidomîne. KNK heta ku yêkitîya mezin ya neteweyî pêktêt, li pêkînan zemînê diyaloga neteweyî digere û di vî warî da pêşkevîtinên berbiçav jî hene.

KNK di warê dîplomasîya navneteweyî da, di warê ziman û kultura neteweyî da, di warê pêdivîyên dî yên bi giştî neteweyî da perspektîv û polîtîka neteweyî amade dike û pêşkêşî bîr û rehîya neteweyî dike ku rêxistin û kesên bi karê doza neteweyî ve rabûyî van polîtîk û perspektîven neteweyî di pratîkê da bi cih binin.

KNK di peryoda duyemîn ya xebata xwe da, li ber nêrîn û pêşniyarên we dê bi plan û programeke rêkûpêktir kar bike.

Bi renekî kronolojîk karên KNKYê yên hatine kirin:

- Li meha 23-24ê Çileyê 2009ê ”Konferansa li Parlemanta EUYê ya li ser Kurda” çêbû
- Li 24ê Çileyê 2009ê sempozyuma li ser ”Komara Mahabadê” li Kopenhagê hate kirin
- Li Adar û Nîsana 2009ê rêze kombûnên digel ronakbîr û polîtîkerên serbixwe hatin kirin
- Li Nîsan û Gulana 2009ê seradanîya Kurdistanê Federal hate kirin
- Li 14-15-16ê Gulana 2009ê Cejna Zimanê Kurdî wekî sê roj hate pîroz kirin
- Li 24ê Gulana 2009ê dehemîn salvegera damezrandina KNKYê hate pîroz kirin
- Li 4-5ê Teşrîn-Mijdara 2009ê li Brukselê li Parlemanta Flaman ”Şûraya Ziman û Perwerdeya Kurdî” kom bû
- Li Çile-Sibat 2010ê seradanîya Kurdistanê Federal hate kirin
- Li 3-4ê Sibata 2010ê Konferansa Kurda li Parlemanta Yêkitîya Ewrûpayê hate kirin
- Dijî operasyona li Adara 2010ê ya li Brukselê nerazîbûnên cuda hatin nîşan dan
- Li meha Nîsan û Gulana 2010ê li gelek bajêrên Ewrûpayê kombûnên bi ronakbîran ra hatin kirin
- KNKYê bi pîrozbahîya li ser ”Cejna Zimanê Kurdî”, ya li 14-15-16ê Gulana 2010ê, li seranserê Kurdistanê û dîasporayê da dest pê kirin
- KNKYê beramberî hemû kir û kiryarên antî demokratîk yên li Kurdistanê xebatên înfomatîv û dîplomatîk kirin di qada navneteweyî da

Xebata peryoda ewil û komîsyon:

Komîsyonên me yên “karê derve” û “ziman û perwerdeyê” di çarçoveya xebata xwe da aktîv bûne û planê xebata xwe pêkînane û kêm zêde bi cih înane û raporên xwe jî dane û hatine “erêkirin”. Lê mixabin “komîsyona jinan” û “komîteya karê neteweyî” û “komîteya çapemenîyê” her çend karê xwe plan kiribin jî, lê raporên xwe negihandin konseya rêvebir. Konseya Rêvebir vê kêmasîyê tesbît dike û hêvî dike ku di peryoda duyê da ev komîsyon û komîte jî aktîv bin û planên xwe yên xebatê realîze bikin û raporên xwe amade bikin.


Bi van bîr û hiziran em silava li we hemûyan dikin û di van du rojên “Kombûna Mezin” da jî daxwaza serkevîtinê bo we dikin. Em hêvî û bawer dikin ku “Kombûna Mezin ya KNKYê” dê serkevî derbaz bibe û mesajeke xurt ya hêvîyê û bi xwe bawerbûnê dê bide xelkê Kurd û Kurdistanê.

Digel rêz û silavên me yên germ.

Konseya Rêvebir ya KNKYê

22.05. 2010, Bruksel

Not:Raporên komîsyon, komîte û delegasyonan jî dê di dosyayê da cih bigirin.



Rapora Komîsyona Karê Derve **Ji bo Kombûna Mezin [Civata 10.]** **23 – 24 Gulan 2010, Bruksel**

Rêxistinên me yên karê derve ku ji alê Komîsyona Karê Derve têne koordînekirin, ji Bûroya Navendî, 4 bûroyên welatan (Fransa, Îtalya, Îngiltere û Swîsre), beşê karê derve yê Hereketa Jinan, Înisîyatîfa Navnetewî ya Azadîya Abdullah Öcalan, Bûroya Xebata Demokratîk, beşê karê derve yê YXK ê, komîsyonên karê derve yên Meclîsên Gel, beşê karê derve yên Partiyên endamên KNK ê, beşê karê derve yên Konfederasyon û Federasyonan pêktê. Ev xebatên me li her welaîfî di nav hev de têne koordîne kirin. Di nav koordînasyonên welatan de hinek şexsiyetên serbixwe jî, cihê xwe digrin.

Di nava sala derbazbûyî de, xebatên me yên karê derve weke tê xwestin nehatin meşandin. Kêmahî hinek ji alê me ne, hinek jî ji derveyî mene. Me weke rêveberîya komîsyonê bi rêk û pêk hevalên endamên endamên komîsyonê û koordînasyonên welatan, weke tê xwestin tevî kar nekirin û xebat daneynî ber wan. Li alê din hinek endamên me ketin nava kar, lê hinek endaman berpirsyar xwe ne anîn cî. Ev pirsgerêkên me, hîn jî berdewamin, divê bêne çareserkin.

Piştî civîna giştî ya KNK ê, komîsyona karê derve di 08.02.2009 an de kombû û ji xwe re plansazîyek çêkir. Lê piştî meh û niv din, serokê komîsyonê û cîgirê wî, li Îspanya hatin girtin. Paşê hatin berdan, lêbelê mecbûr man demeke dirêj li wê derê bimînin.

Di navbera 24-29 ê meha Tebaxê de, bi tevlibûna 55 hevalan perwerde û civîn hate çêkirin. Vê demêde ji ber ku serokê komîsyonê ji bo karek din hate hilibjartin, serokatîya komîsyonê hate guhertin. Piştî wê, li gel hinek kêmahîyan jî be, kar hate meşandin. Di rojên 06-08 ê Sibata 2010 an de bi tevlibûna 37 hevalan civînek hate çêkirin û plansazîyek berfireh hate amadekirin. Di vê civînê de bi navê Konsepta Karê Derve, belgeyek hate pêşkêşkirin û piştî nîqaşan hate pejirandin. Hêdî wê karê mey ê derve gora vê konseptê bê meşandin. Tam me digoht emê karekî baştir bikin, piştî sê hefteyan operasyonê berfireh li dijê me pêkhat. Encamên wê operasyonê hê jî berdewamin. Karê me yê piştî wê, giranî li dijî vê operasyonê meşîya.

Her weha di vê demê de dirêj ajohtina tamîrata avahîya me ya navendî jî, bandorek negatîf li karê me kir.

Di vê raporêde, xebatên me hemî nehatine nivîsandin, em neketine detayan, tenê me hinek xebat îşaret kirine. Vê demêde xebatên me, giranî li welaîfên navendî yên Ewropa meşîyan. Her weha li Îskandinavya jî, xebatên giring pêkhatin. Di heman demêde, li Rusya jî xebat hatin meşandin, temsîla me li wî welaîfî heye, xebatên fermîkirina bûroya Rusya jî berdewamin. Her weha Bûroya Hevlêrê jî li gel karên xwe yên netewî, di heman demêde gelek xebatên karê derve jî meşandin. Li Emerîka jî hewldanê me hene, lê gelek lewazin.

Partiyên endamê KNK ê jî, ji alê xwe ve karê derve meşandin. Di vê çerçevêde li dijê zext û êrişên rejîma Îran ê, teybetî li dijê îdamana dosya hatin amadekirin û kar hatin meşandin. Her weha li dijê zext û îşkenceyên rejîma rejîma Surî jî, gelek çalaki pêkhatin û kar hate meşandin. Teybetî li ser rewşa girtiyên siyasî yên ku di zindanan Surî de dimîni, hate rawestan, dosya hatin amadejirin û hevdîtin hatin çêkirin.

Piştî hilibjartinên sala par yên parlamenta Ewropa, sêrîde dostên me yên Îtalyanî û gelek dostên me nehatin hilibjartin. Evê jî xebatên me yên Parlamentoya Ewropa hinek tengav kirin. Avakirina gruba dostan ya nû hinek wext girt. Grûba Çep disa destek da û pêşkêşî kir. Niha jî xebatên me yên xurtkirin û resmîkirina grûba dostan berdewam dikin.

Vê salê di Parlamentoya Ewropayê de Konferansek li ser Rewşa Elewîyan, Konferansek li ser Şideta Dijê Jinan û Konferansa 6. ya li Ser Çareserîya Pirsgerêka Kurdî hatin pêkanîn.

Dijê girtina DTP ê, dijê girtina endamên û rêveberên DTP ê û serokên beledîyan, li her cih û deverî xebat hatin meşandin. Di vê çerçevêde yek ji bo girtiyên, yek jî ji bo girtina DTP û serokên beledîyan, du caran li Parlamenta Ewropa da, bi navê Pêşdeçûna Demokrasiyê, Mafên Bingehîn û Azadî li Turkîyê, du celseyên teybet hatin pêkanîn.

Xebatên Asambla Konseya Ewropa û Kongra Rêveberîyên Herêmî yên Konseya Ewropa jî hatin şopandin. Li ser girtina serokên beledîyan, ji bo şandina hyetekî xebat hatin meşandin. Di vê çerçevêde di navbera rojên 9-11 an yên meha Gulanê, heyetek ji Kongra Rêveberîyên Herêmî çû Ankara û Amed ê. Derdorên welaparêz jî navde, gelek kesan re axaftin û wê vî warî de raporekî amade bikin.

Li ser mijara guhertina cihê Birêz Abdullah Öcalan û girankirina tecrîda li ser wî, beşê karê derve yê xebat û çalakiyên li hember CPT yê, hatin meşandin.

Rûniştin û celseyên Komîsyona Mafên Mirovan yên Neteweyên Yekbûyî, li Cenevre yê hatin şopandin. Gelek nûnerên rêxistinên sivil (NGO) re û nûnerên hinek welatan re hevdîtin hatin çêkirin. Her weha heyetek li ser navê me li Cenevre yê, tevî Konferansa Dijê Mayînan ya Navnetewî bû.

Kongra Enternasyonala Sosyalîst ya ku li Montenegro pêkhatî de tevlibûn çêbû, gelek hevdîtin hatin çêkirin û çûna sekretera jinan ya Enternasyonala Sosyalîst ji bo Amed ê, hate misogerkin. Her weha tevlibûna Kongra



Kongreya Neteweyî ya Kurdistanê
Kurdistan National Congress
Congrès National du Kurdistan

KNK

Rue Jean Stas 41 1060 Bruxelles tel: 00 32 2 647 30 84 fax: 00 32 2 647 68 49
Homepage: www.kongrakurdistan.net e-mail: kongrakurdistan@gmail.com

Partîya Sosyalîstên Ewropa ya li Prag ê hate pêkanîn, gelek hevdîtîn hatin çêkirin û li ser girtina DTP ê daxunîya şermezarkirinê hate misogerkirin.

Amdekirina Guruba Aştiyê ya Ewropa da cih hate girtin, beşê karê derve hate şopandin û civîna çapenîyê hate çêkirin.

Li dij binçavkirin û girtina zarokan li Turkiyê, kampanyayek ji alê Bûroya Swîsre ve hate pêkanîn û li deverên din jî hate meşandin.

Şûraya Ziman û Perwerda Kurdî ya ku li Belçîka di Parlamenta Flamanan de hate çêkirin, beşê wê yê karê derve hate meşandin.

Lîsta Emerîka ya Narkotîkê ya ku sîyasetvanên Kurd weke qaçaqçiyên narkotîkê dide nîşankirin, dijê wê lîstê karên siyasî û huqoqî hatin meşandin.

Li Berlîn ê bi navê Nasnama Kurdî li Almaniya konferansek, li Bonn ê bi navê Kurd û Huqoqa Ewropa konferansek navnetewî hatin çêkirin. Çi ji alê hevdîtinan, çi ji alê giranî danîna lî ser hîlbijartinan eyaletan, çi ji alê pêkanîna reya giştî de li Almaniya, gor salên berê xebatên baştir hatin meşandin.

Di nava vê salêde, li Almaniya, Fransa, Belçîka, Îngîltêre, Îtalya, Îspanya, Siwîsre, Avûstûrya, Danîmarka, Siwûd û Norwec ê, hinek welatan carekî, hinek welatan çend caran bi heyetên ji welêt, di derdorên hukûmetan, parlamentoyan, partiyên siyasî, rêxistinên medenî û dostan re, gelek hevdîtînen cûrbecûr hatin çêkirin. Li van welatan gelek panel û civînên gel hatin pêkanîn. Li ser pîrsgirêka Kurdî û pêşdeçûnên rojane, li parlamentoyan pêşkêşkirina gelek pîrsan hatin misogerkirin.

Li Qîbrîs ê û li Başûrê Afrîka, di asta hukûmetan de hevdîtîn hatin çêkirin. Ji bo dema pêş zemîna kar hate amadekirin.

Bi navê Çareserîya Pîrsgirêka Kurdî, di Senatoya Fransa yê de konferansek hate çêkirin.

Arîkariya ku ev çend salin ji hêla hinek sazîyên medenî yên Marsîlya ve ji bo Qempa Mexmûr tê rêkirin, isal jî hate organîzekirin.

Di asta welêt de, Bi komîteyên dostan yên Fransa re civîn hate pêkanîn, plansazî hate çêkirin û koordînasyona dostan hate avakirin. Cara pêşî bi hev re li Parîs, Marsîlya, Nantes û Rennes ê, çalakîyên hevbeş hatin çêkirin.

Kampanya ku bi navê Ji Bo Çareserîya Pîrsgirêka Kurdî Divê PKK Ji Lîsta Terorê Bê Derxistin, ku ji alê komîtên dostan ve tê meşandin, hate berdwamkirin.

Kongra Gelên Bê Dewlet ya ku bi navê Mafên Kolektîf yên Gelan xwe rêxistin dike û ku kongra avakirinê li Barselona yê pêkhat, ji alê me ve tevlibûn çêbû û hevaleyê me jî, ji bo rêveberîya vê rêxistinê hate hîlbijartin.

Di Bienanala Venezîya de ku şeş mehan berdwam dike, hem di vekirinêde hem jî di berdwamîyêde, bi çalkîyên çandî, tevlibûnek xurt hate pêkanîn.

Di 12.11.2010 an de li Venezîya, bi navê Di Pîrsgirêka Kurdî de Lêgerînen Çareserîyê û Tecrûba Navnetewî, konferansek navnetewî hate çêkirin.

Di rojên 11-12.10.2010 an de, civîna Koordînasyona Dostên Îtalyanî hate çêkirin. Di civînêde li ser kêmahî û pîrsgirêkên rêxistinî hate rawestan û plansazîyê hate çêkirin.

Li Îtalya, çerçeva karên piştgirtina belediyên Kurdistan ê de, ji bo projê Geşkirina Wan ê, ji bo projê Ava Qilaban ê, ji bo projê Sûka Sergirtî ya Culemêrg ê, kar hatin meşandin.

Li Îngîltêre, ne tenê Parlamento, Kamara Lordan, partiyên siyasî û rêxistinên medenî yên merkezî, her weha di heman demêde li Îskoçya, Li Welsh û li Bakûrê Îrlanda jî, hevdîtînen pîr alî hatin pêkanîn.

Li Îngîltêre, bi daxwaza ku PKK ji lîsteya terorê bê derxistin, ji alê 28 parlamenteran ve pîrsek hate amadekirin û pêşkêşê parlamentoyê hate kirin. Her weha di sa li Îngîltêre, bi daxwaza tecrûda li ser Serok Apo bê rakirin û rewşa wî bê asankirin, ji alê 18 parlamenteran ve pîrsek hate amadekirin û pêşkêşê parlamentoyê hate kirin. Em dixwazin li welatên din jî, karên weke van bêne çêkirin û me ev ji hevalên xwe xwestine.

Ji Fransa, Îspanya, Almaniya, Îtalya, Îngîltêre, Belçîka, Hollanda, Swîsre, Avusturya û ji Welatên Îskandinavya, heyetên Newrozê hatin amadekirin û çûne Kurdistan ê.

Di vê demêde, li Belçîka civînên koordînasyona dostan bi perîyodîk hatin çêkirin. Piştî operasyona li ser me, me giranîya xwe da Belçîka û gelek astan hevdîtîn hatin pêkanîn. Lê têrê nakin, divê bê navber ev kar bêne xurtkirin.

Ji bo helwesta li dijê vê operasyonê, ji bo stratejîyê hevbeş, ji bo diyalog û koordînasyona navbera avukatên, di roja 24.04.2010 an de li Brûksel ê, bi beşdarbûna avukatên ji Belçîka, Almaniya, Fransa, Îtalya û Turkiyê, li gel avukatên ku daeweyên me teqîp dikin, civînek berfireh hate pêkanîn.

Di vê demêde, civînên komîta amadekar yên Forma Civakî ya Ewropa yên ku li Berlîn, Atîna û Vîyan yê pêkhatin, ji alê me ve tevlibûn çêbû û ji bo tevlibûna dostan ya ji bo civîna Forma Civakî ya Mezopotamya ya Amedê, kar hatin meşandin.

Vê demêde, xebatên enformasyonê hatin meşandin, bûltenên hefteyî yên Îngîlîzî hatin derxistin, ji bo hemî boyerên giring dosya hatin amadekirin û malper hatin nûkirin.



Kongreya Neteweyî ya Kurdistanê
Kurdistan National Congress
Congrès National du Kurdistan

KNK

Rue Jean Stas 41 1060 Bruxelles tel: 00 32 2 647 30 84 fax: 00 32 2 647 68 49
Homepage: www.kongrakurdistan.net e-mail: kongrakurdistan@gmail.com

Rapora Komîsyona Karên Netewî **Ji bo Kombûna Mezin [Civata 10.]** **23 – 24 Gulan 2010, Bruksel**

Pevajoya saleke kar u xebata me, ligel KNKe u ligel Gel bu u bi awayeki xurt berdewam kir. Di ve pevajo de, bi parti, rexisitn, saziyen sifil, komele, bi rew;enbiran re, bi haraketen gel re tekili hatin danin u hevdiin pekhatin. Di van hevdiin u tekiliyan de, rewsa dawî hate axaftin u nirxandin. D partike de ji me bi hev re haraket kir. Di karen rojane u salene de me cih girt u hevkarîyek dilsoz mesand. Ji aliye din ve, me tekili bi kesyatiyen parçeyen din re ji dani u lis er pesketinen rojane u yekiteya neteweyî a demokratik de karuxebat kirina.

Bi taybeti di xwediderkeitna nîrx u pîroziyen Haraketa me de, u di derbare siyaseten hezn degirekr ku siyaseten wek ~vekirine~ kirine pratike, li din bingeha xwe de tesfioyekirin e, hate axaftin u gotin. Ji bo di nava gel de ev siyaseten gemari werin de;fire kirin kar u xebat haitn mesandin. Ji aliye din ve peskeitin li Basure Kurdistanê hatin sopandin u di her firsete de nîrxandin haitn kirin u bi balkesi lis er tehlokeyen xeternak u metirsni hate rawestandin.

Beguman encama van nîrxanbdin u guftugoyan ji ba; bu. Di ve carcove de u di her firsete de Yekitiya Neteweyî a demokratik hate axaftin u giringiya we hate ziman. Hem beri ku her kesi u her organizasyone ev xal giirng dit u pediviya we ani ziman ji, encameke li gori deme dernekete hole.

Ji aliye din ve, lis er eriskeriyen dewleta Irane u zext u zroa *rane ya lis er gele me hate axaftin*. Li ser tekiliyen bi muxalefeta Irane re u pekanina hevkarîyeke demokratik ya li diji rejima Irane hate axaftin. Di mijaren dardekirinan de, helwesta cihane ya bedeng u pdiviya hevgitina demokratik ya bi gelen din hezen demokratikre hare axaftin.

Li ser Tikriye i siyaseten gemari u demgaojik ji hate rawestandin u nîrxandin haitn kirin. Pediviya hevkarî u dijbeirya yekeniye hate axaftin. Di encame hevkarî u paltformen hevbes, eniya demokratik wek ditin u ereniya hevbes derkete pes.

Li gori Biryara Konseya Revebira ya dawî, li Elmanya 4 civin, hatin organize kirin. Ev civin li Berlin, Hamburg, Stuttgart u Kölnê pekhatin. Di tevahiya civinan de pdiviya berfireh kirin u bihez kirina KNKe hate axaftin. Di cvinan teva de, pewistiya kar[xebaten KNKe yeb bi plan u program hate axaftin. Di ve carcove de, pedivi u giringiya pekhatina Konferansa Neteweyî, beyi ku dereng bimîne u ne tene partiye siyasai, rexisitnen civaki, kesayetiye serbixwe u pe;negen civake ji di dibin siwana KNKe de cih bigirin.

Siyaseta KNKe ya neteweyî were pesxistin u wek Yekitiya Neteweyî ji derbikeve pes. BI ve pekhatne re, bi Haraketa Azadiya Kurd re. Eniya diplomasi u eniya civaka demokratik pesbixe. Beguman di van karuxebatan de we lobi u xebaten tekili u hevdiin bi xurti ben kirin. Di aliye kultur u edbeyate de karuxebat bene kirin u KNKe bi komisyon u heza xwe pesengiya pe;ketina ziman, kultur u edebiyate bike. Ev karuxebat ji wek daxwaz u pesniyaz ji derketin pes.

Di van civinan de, ji her parçeyan kesayeti, rewsenbir u niviskar amade bun.

Wek Parti u rexistin, Haraketa Goran, PDK, YNK, Partiya Komunist a Bakur, Komkar, Harketa Jinen Ba;ure Kurdistanê, Inisiyatifa Dersime, Ji bili we, ODK, YNK, Haraketa Goran, yek bi yek hate axaftin u hinek ji kesayetiye Haraketa Goran, YNK dixwaizn ku bibin endame KNK.

Komita Karên Netewî
22.05.2010, Bruksel



Rapora Komîsyona Jinan **Ji bo Kombûna Mezin [Civata 10.]** **23 – 24 Gulan 2010, Bruksel**

Bi salan e li çar aliyên Kurdistanê jinên Kurd di nava jiyana civakê de ji bo vîna xwe derxe holê roleke girîng lîstiyê û tevlibûneke aktîf daye çekirin. Li Kurdistanê pîrsgirêka azadiya jinê her ku diçe dibe pîsgirêka civakê bi xwe. Dewletên dagîrker yê ku bîngê xwe ji desthilatdariya pênc hezar salan digirin, dixwazin bi kevneşopiyên di nava civakê de berxwedan û vîna gelê Kurd li gora berjewendiyên xwe bi kar bînin. Ji milekî ve bi riya çapemenî, sînama û dîziyan dixwazin rûmeta me ya neteweyî bişkinin û ji milekî din vê jî teşwîq dikin. Bi taybetî dewleta Tirk di vî warê de her ku diçe siyaseta xwe ya şerê qirêj pêş dixê û bi vê rê bi sînor namîne, di qada navneteweyî de ji bi heman rengî siyaseta xwe ya qirêj di çapemeniya cîhanê de îmajeke wisa didin diyarkirin ku Kurd paşdemayî ne. Bê guman pîrsgirêka jinê ji pîrsgirêka naveteweyî jî derbas bûye. Hê jî li nava gelek civak û dewletan ev pîrsgirêk çareser nekirinê û ev pîrsgirêk bûye pîrsgirêka sedsalan ya sereke. Divê em weke KNK di dema pêş de li dijî politîkayên hêzên deshilatdar derkevin û ji bo çareserkirina pîrsgirêka jin û civakê bi reneki xurt xwedî lê derkevin.

Li bakurê Kurdistanê di van salên dawî de serkeftina di warê azadiya jinê de li her çar parçeyên Kurdistanê belav bûye û gihîştîye asteke bilind. Jinên Kurd di warê siyasî, çandî, çapemenî û rexistina civaka medenî de serkeftinên bi dest xistin, ji bo demokratîkbûna civaka Kurdistanê xwedî wateyê jîyanî ne. Bîngê van serkeftinan konferansa jinan bû, konferansa neteweyî ya bi durîşma “di pêşîvekirina demokrasiye de rola jinê” ya li Amedê di navbera 24-25ê Nîsanê de hatî darxistin. Em weke komisyona jinan a KNKê konferansa jinan a neteweyî ya li Amedê hatî lidarxistin silav dikin û em hevîdar in ku ji bo avakirina yekîtiya neteweyî bibe bîngê esasî. Yek ji biryarên di konferansa neteweyî de hatî girtin ew e ku 2. Konferansa jinan li Hewlêrê bê lidarxistin. Em hevî dikin sazî û rexistinen jinan tev piştgiriye bidinê.

Kar û xebata komisyona jinan a KNKê

Komisyone ji dervayî 6 mehên dawî, bi reneki sistematîk civînên xwe dane meşandin. Di destpêkê de, ji ber ku berdevka komisyone tinebû valatî çêbû lê di demeke kin de ev pîrsgirêk hat çareserkirin û bi civîneke fireh plansaziya salekê hat amadekirin.

Li gora vê, bi pêmana 8ê Adarê roja jinên kedkar a cîhanê, 25ê Mijdarê roja têkoşîna şideta li ser jinê ji bo çapemeniyê daxuyanî hatin dayin û ji bo piştgiriya kampanyaya “em jin in ne namûsa ti kesî ne namûsa me azadiya me ye” ya ji aliyê tevgera jinên Kurd ve hatî destpêkirin, li Swêdê semînerê ji bo jinan hat dayin û derbarê vê kampanyayê de jî ji bo çapemeniyê daxuyanî hat dayin.

Di Nîsan û Gulana 2009 de heyeta KNKê ku ji bo hin hevîtin çûbû başûrê Kurdistanê, yek ji endama komisyona jinan jî di navê de cih girtibû û li başûrê Kurdistanê bi gelêk sazî û kesayetên jin re hevîtinê pek anîn. Û ji bo pêşxistina diyaloga nebera yekîtiyên jinan bû gaveke erênî. Weke komisyon ew konferansa jinan a li Amedê hatî lidarxistin, hem di alîye amadekariyan, hem di aliyê tevlibûnê de piştgirî jê re hat dayin û 3 endamên komisyone beşdarî konferansê bûn.

Di dema civata giştî de bi devlibûna endamên komiyona jinan wê civînek bê liderxistin û plansaziya salê bê amadekirin.

Komisyona Jinan
22.05.2010, Bruksel



Rapora Komisyona Ziman, Perwerde, Kultur û Hunerê **Ji bo Kombûna Mezin [Civata 10.]** **23 – 24 Gulan 2010, Bruksel**

Komisyona me rapora xwe ya berfireh ya 2009ê di kombûna 20ê Gulana 2009ê da pêşkêşî we kiribû û hatibû erêkirin. Li goreyî wê raporê planê xebatê jî hatibû kîvş kirin ku xala herî giring komkirina "Şûraya Ziman û Perwerdeya Kurdî" û herweha komkirina "Sempozyuma Muzîka Kurdî" bû. Komisyona me "Şûraya Ziman û Perwerdeya Kurdî" herwekî plankirî di 5-6ê Teşrîn-Mijdara 2009ê da li salona Parlemanta Flaman ya Brukselê kom kir. Partnerên vê xebatê Înstîtuta Kurd li Elmanya, Înstîtuya Kurdî ya Stockholmê, Înstîtuya Kurdî ya Stanbolê, Enstîtuya Kurdî ya Brukselê û TZP Kurdî bûn. Helbet Partiya Flaman jî destek da vê xebatê. Terkîba "Şûrayê" seranserîya Kurdistanê û dîasporaya Kurdî bû. Ji Kurdistan Federal beşdarî kêma bû lê eve bi timamî ji ber astengîya vîzeyan bû.

Ji bilî vê astenga teknîkî beşdarîyeke têrker pêkhat di "Şûra"yê da. "Şûra" ji aliyê terkîba bisporan û programa xwe ve serkevtî derbaz bû. Amanca "Şûra"yê belavkirina deklarasyoneke xurt û destnîşankirina pêdivîya "Organa Şewira Ziman" bû. Di vî warî da deklarasyoneke bi naverokeke xurt ji teref hemû beşdaran ve hate qebûl kirin û bi rêya medyayê ji bo bîr û rehîya Kurdistanê hate belav kirin. [*Deklarasyon li jêr e.*] Beşdarên "Şûra"yê bi yêkdengî wezîfeya pêkînana "Şewira Ziman û Perwerdeya Kurdî" û tesbîtkirina navan da "Komisyona Ziman û Perwerdeyê ya KNKye". Komisyona me bi vê amancê seradanîya Kurdistan Federal kir û hem digel Akademîya Kurdî ya Hewlêrê û Unîversîteyên Duhok û Hewlêrê danûstandin pêkîna, hem jî digel KZPya KCKyê rûnişt û pîrsa pêkînana "Şewira Ziman û Perwerdeya Kurdî" gotûbêj kir. Komisyona me herweha digel KZPya KCKyê protokoleke li ser hemû pîrs û pîrsgirêkên ziman û perwerdeya Kurdî pêkîna û zemînê têkilîyeke yêkser hate danîn. Di hevdîtina 22yê Çileyê 2010ê da protokoleke bi vî rengî hate formûle kirin: 22 Çile 2010, Eynî, Hewlêr + Ranya Seet: 10:00: Seradanîya Ranyayê / Seet: 19:00 Kombûna digel KZP-KCKyê li "Warên Parastinê yê Medyayê" / Ji KZP-KCKyê: Batûfa + Dildar + Nûjîyan + Çigdem / Ji KNKye: Rojan Hazim + Adem Uzun + Nasir Resûlî

Li goreyî protokola di navbeyna KZP-KNK û KZP-KCKyê da biryara prensîbî: Di navbeyna KZP-KCK û KZP-KNKyê da koordînasyoneke dîrekt (yêkser) pêkhat. Li Ewrûpayê dê bi KZPya CDKyê ra xebat bête kirin. Mîsyonê polîtîka neteweyî ya di warê ziman û perwerdeyê da didine KZPya KNKye... Cejna Zimanê Kurdî dê bi programeke hevpar û bi koordîneyeke yêkgirtî bête pîroz kirin.

Li goreyî vê prokolê, "Cejna Zimanê Kurdî" îsal bi rengekî berfireh hate pîroz kirin. Komisyona Ziman û Perwerdeyê ya KNKye di vî warî da rola xwe ya pêşeng û koordînatîv bi cih îna û "Cejna Zimanê Kurdî" dîyarî neteweyê Kurd kir. Êdî rêxistinên pratîkal li seranserê Kurdistanê û dîasporayê pîroz dikin. Cejna Zimanê Kurdî edî bû tradîsyon û rûnişt, cihê xwe girt û ji aliyê xelkê Kurd ve qebûlîyek peyda kir. Komisyona me ji ber pêkînana vî karê neteweyî serbilind û dilşa ye.

Komisyona me li goreyî biryara "Şûraya Ziman û Perwerdeya Kurdî" digel Akademîya Kurdî li Hewlêrê rûnişt û li ser pêkînana "Konferansa Ziman" li Hewlêrê û herweha li ser pêkînana "Şewira Ziman" rawesta. Di navbeyna KZPya KNKye û Akademîya Kurdî da li hev hatineke prensîbî pêkhat ku "Konferans" di payîza îsal [2010] da li Kurdistan Federal çêbe. Akademîya Kurdî li ser vê yêkê "proje" ji me xwast. Me jî ev proje bi rêya buroya KNKye ya Hewlêrê ji wan ra rêkir. Em vê gavê li hevîya bersiva wan in. * [*Proje li jêr e.*] Me proje herwisa ji bo KZPya KCKyê jî rêkir ku ew jî di vî warî da digel me hemfikir in. Komisyona me bi giringî li ser pîrsê disekine.

KZPya KCKyê jî berî "Konferansa Ziman ya li Kurdistan Federal" dê "konferanseke ziman ya navxweyî" pêkîne û em jî hatine agahdar kirin û raporek jî ji komisyona me hatiye xwastin. Lê komisyona me dê daxwazê ji wan bike ku bi delegasyonekê beşdarî wê konferansa navxweyî bibin û dîtin û pêşniyarên komisyona me pêşkêşî konferansa navxweyî bikin. Ev konferansa navxweyî tête fikirin ku berî "Konferansa Ziman ya li Kurdistan Federal" bête kom kirin.

Komisyona me piştî van herdu konferansa û şewira bi KZPya KCKyê û Akademîya Kurdî ya Hewlêrê ra, dixwaze navên ku dê di "Şewira Zimanê Kurdî" da cih bigirin tesbît bike û "Şewira Zimanê Kurdî" di pratîkê da bide dest pê kirin. Li ser talankirina muzîka Kurdî jî di kombûna 4ê Nisana 2009ê da biryara sempozyumekê hatibû standin. Xala dehemîn ya biryaran wisa bû: [*10. Sempozyûmek li ser talankirina muzîka Kurdî li Köln anjî Brukselê bête kom kirin. a. Mamosta Emer dê bi vê yêkê ve mijûl bibe.*] "Sempozyuma Muzîka Kurdî" heta nihe jî kom nebûye. Esasen Mamosta Emer ji bo vî karî hatibû wezîfedar kirin ku digel Akademîya Hunera Kurdî organîze bike û bîne cih. Mixabin ku ev kare heta nihe jî nehatiye kirin. Komisyona me dê xebata xwe ya tesbîtkirina perspektîv û polîtîka neteweyî ya di warê ziman, perwerde, kultur, folklor û hunerê da bidomîne.

Digel rêz û silavên germ pêşkêşî Konseya Rêvebir dikin.

Komisyona Ziman û Perwerde, Kultur û Hunerê ya KNKye
22 .05.2010, Bruksel